

師  
伏  
堂  
詩  
草

師伏堂詩草卷五

善化皮錫瑞鹿門

楊村曉發口占贈同行袁叔瑜

緒欽

以下壬辰

馱鈴語深夜馬色亂寒星與子摩燕闕相期對大廷乾坤同抱策  
江海幾漂萍二月楊村路荒原草未青

宿張家灣叔瑜依韻和詩五首又依韻答叔瑜

車輪碾殘月馬足躑繁星道路來燕地天人策漢廷談詩深夜燭  
感事異鄉萍珍重藏山業燈光卅載青

天祿多才士雲臺有將星吾人尙羈旅何日覲王廷世路叢荆棘  
生涯逐梗萍惟應薊門樹不改舊時青

入都

三春遠隔帝京程因試南宮又北征世事浮雲經歲改鬢毛如雪

逐年生鵬盤大野寒無色馬踏殘冰夜有聲燕市故人應好在論  
文當共酒杯傾

談時事有感

聞道東藩亂神京一臂寒天威猶萬國海氣忽三韓拱默中樞議  
荒涼上將壇傷心箕子地千載古衣冠

屏蔽何宜撤脣亡自古爭豺狼甯有極貔虎寂無聲要地黃龍府  
前朝元菟城向來經國計初不諱言兵

寥落中興將彭楊盡楚材那堪多壘日連隕大星災積感盈三戶  
悲風動八哀巫陽不可降圖象獨雲臺

李相今頭白頻年守薊門擁兵真鎖鑰仰屋對乾坤師尹具瞻望  
朝廷浩蕩恩異時青史在當信赤心存

題章壽麟太守銅官感舊圖

陣雲黑壓銅官渚江岸鬪體夜深語大星將沈復未沈狂波咽紅  
血飛雨金田挺亂東南傾湘鄉相公方聚兵義旗周麾萬眾立靖  
港一蹶瘡無聲茫茫舊事猶堪憶章公從戎甫投筆策士謀從死  
地生大軍險鑿凶門出此時浩劫厄元臣懷沙已分隨靈均元伯  
權詞解危急祭公反振脫沈淪不死扶持有神力幕中天遣嘉賓  
匿若眞魚腹葬江流那能龍膊摧堅壁自收鐵甕補金甌霜髩青  
門老故侯每對畫圖傷翔指何心恩澤羨焦頭雲母溪風戰葭菼  
猶似湘軍鼓聲統手援天下非公誰掩卷爲發千秋感

青鸞曲爲夏定九廣文夫人作

夫人割股醫姑姑愈而身死

青鸞不歸漏虬咽仙袂珊珊珮聲絕芙蓉抱紅冷香折媧石不補  
情天缺幾日棋聲歇寢門含顰侍疾念姑恩藥餌難求瓊玉液蘭  
心欲斷玻璃魂博山爐香夜深熱暗蹙蛾眉灑鵲血燄施銀燈白

刃涼脂凝玉臂紅肌熱雪膚墮地瘡不號蘭息如絲怯寶刀別鶴  
聲淒聞錦瑟飛龍骨出瘦香桃癡風冷射癩痕痛華年易醒蝴蝶  
夢弄如乘月化銀蟾秦女昇天躡靈鳳神光離合翩鴻翔熨體荀  
郎漫悼傷但得慈萱壽金石何辭孝竹萎冰霜玉簾蒙羅付塵土  
綺窗碧桐泣秋雨憑君莫問蒼浪天畱取管彤煒千古

洗馬池懷穎陰侯

赤龍上天天解紐野雉翩翩啄功狗烹莫救平城圍可憐鴻鵠  
雖高飛鴻鵠不飛人變穢蒼狗能擊野雉死雉子一雙投網羅灌  
侯高識能連和洗馬池上英風起漢家騎將曾停此龍子作事雖  
非常亦賴灌侯畱浴陽君不見唐之鸚鵡漢之雉惜不遇灌乃遇  
李不然駱丞一檄驚妖狐徐家兵來當伏辜

滕王閣懷王子安

西風捲江江水躍濤聲上撼滕王閣不見當年帝子游空懷絕代  
才人作登高作賦三秋天自惜塵容非少年插萸思親感佳節擲  
筆四顧心茫然茫然憑弔皆陳迹畫棟珠簾渺非昔何處重尋捐  
蝶圖何人更擅圖雞檄龍門後裔真奇才麟鳳非時良可哀十三  
齡耳未弱冠填膺萬感胡爲哉一序畱重洪都府不廢江河高萬  
古故宜孤鶩動閭公底事媚狐諛阿武

百花洲懷蘇雲卿

四十萬眾血流淌張公講學心不動朝廷倚公了大事公不臨敵  
惟持重此時先生獨高臥百花洲上蔬香滙南州高士貧磨鏡西  
蜀隱淪老籬桶聊學桃源自避秦非必楚狂還笑孔灌園常保於  
陵潔得檄羞爲毛義捧案頭漢書時熟讀經國大計初非憐陳言  
獻策詎無心獨憾遇時非賈董千里故人忽通訊煌煌鶴書方赴

隴復書買菜無求益治圃蒔蔬聊自奉相才排李將排岳何必老  
友佐一闕公當自保棟梁材我但深求瓜瓞葦閉門不惜老英雄  
過灘幸免多惶恐鴻飛從此游冥冥青天廓然雙翼聳

徐孺子故宅

大厦傾千載巍然獨此亭南州表高躅東洛仰芳型五士名同潔  
三君眼並青寒心收旺儉絕意佐桓靈鏡具賚江夏纁招避漢廷  
雞綿情未澹烏屋淚先零食設茅容重言傳郭泰宵羣龍戰京邑  
孤鳳老郊垆黨錮今殊代巫陽或降庭曉鶯啼斷柳昏蝠集疏櫺  
弔古湖光闊悲秋暮色局此邦饒俊彩懸榻有居停講學懲高論  
違時懼獨醒栖栖竟何益悵悵異鄉萍

食蟹

不求有蟹無通判但願持螯了一生跌宕湖山足杯酒譜條江海

自戈兵菊花時節當筵味秔稻秋風去國情爾雅且當常熟讀文  
章何敢恃橫行

泊樵舍

舟形輕似葉客意澹如僧翰墨誠疏計山林尙未能落霞明雁路  
殘月冷魚罾旅夜懷身世頻年老一燈

戍鼓

清宵不擊寺門鐘戍鼓聲聲接遠峰已報山中靜孤鼠猶防海上  
伏蛟龍隔江響度兼葭遠一夜寒催霜露濃有夢還家怕驚覺那  
堪鼙吼正逢逢

入彭蠡湖口

迢迢吳楚二千里牢落乾坤一百年沙渚斷鴻新雨後戍樓清角  
曉霜天江山平遠來吾輩松菊盤桓愧昔賢水碧金膏互明滅曠



懷空憶謝臨川

言直老五

阻風

阻風留滯蠡湖隈  
秋影涵虛水鏡開  
孤鷺和煙上山去  
短篷載雨過江來  
相逢楚老彈雙淚  
漫比秦川賦七哀  
感事深宵瓦燈白  
淵淵戍鼓又相催

望大孤山

壯懷空負白鷗盟  
臨水年華暗自驚  
孤雁隨人宿江渚  
溼雲如夢困吳城  
煙迷舵尾天無色  
水咽船脣夜有聲  
悵悵大孤山下路  
一年三見碧峰橫

姑塘

夕照流江壁  
斜風曳客舟  
目空波望遠  
夢定艣聲柔  
慷慨懷燕市  
衰頽感楚邱  
聊將羈旅憾  
唱入榜人謳

水宿

水宿幾朝昏風濤自吐吞沙明微見岸燈遠渺無村百丈牽江色  
孤帆帶暝痕騷人惜往日不復見龍門

過武昌縣縣爲孫吳故都

樊山草長釣臺荒夏口山川接武昌朝露誰人憐魏武東風有意  
便周郎赤烏運去空千載黃鶴樓高又夕陽堪笑水軍八十萬祇  
將聲勢動秦張

謂文表子布

輪舟中望漢江偶感

幾處平沙落雁屍無邊秋色動菰蒲滔滔浪涌前朝去漠漠帆隨  
斷岸孤萬古風煙連郢鄂一江南北劃荆吳六千里爲仇人役孰  
謂東門竟可蘇

打魚歌

天風捲江江水涌白浪如山壓船重漁子嗜利輕波濤舉棹齊聲  
浩呼洶緣流施罟往復回搽索窟穴鞭風雷勢同周陞包數里截  
江一網江神哀敗鱗殘甲委山積滿地皚皚若霜白小魚棄置不  
足惜大魚潑刺無與適吾聞古聖不盡物胡爲萬命輕一擲鯤鱓  
不禁數罟入潛虬驚飛老蛟泣君不見長鯨跋浪海水揚紛紛鱗  
介爭衣裳安得三千六百鈞躑躅鮫室清鱗堂百金之魚何足張  
灘行

請君莫歌行路難路難無過舟行灘一灘二灘盡頑石舟行石立  
苦相擊以舟擊石勢不敵同舟性命等一擲噫嘻眾命爭一篙舟  
中拼命衝洪濤齊力屏氣瘡不號上下奔迸如飛猱石齒巉巉勢  
欲齧舟穿石驚石中裂石舟摩曳鏗有聲人鬼呼吸慶更生安知  
前灘更爲何天險屹立橫江鎖狹處乃僅容一舸舟舟銜尾接舟

柁舟柁一振乾坤旋水石飛舞舟翩翩回頭卻望下灘處亂石槎  
桺若無路吁嗟乎地本無路人強通覆舟未可尤天公出險如夢  
心猶惘畏道何必王尊忠

舟中晚眺

暝煙壓孤篷夜色引輕素沈沈遠山暗忽忽寒江暮魚磯微月隱  
蠓火一星渡老漁時登艫子立沙上鷺乾坤如逝波滔滔日以去  
倦遊江海地撫景倏異故木末有芙蓉朱華飽秋露采采思涉江  
迢迢不可度

江干阻風

微陽沒奔湍噫氣沸廣澤岸失遠山青天與洪濤白覆載無偏私  
扶搖有順逆如何飛廉虐必與川路易當東而更西欲南乃復北  
阻風自年年益覺乾坤窄微生何足云乃亦勞天厄方當自修省

豈能怨阻塞頗復怪前賢爲文詛風伯

李藝淵丈臨江府治慕萊堂題詞

臨江江水清如瀉江上空亭俯平野不見前人五采衣曾迎太守  
五花馬忠孝兼資太守賢追尋遺跡心茫然遷史傳文名恍惚武  
梁祠像色斑連傳聞吾楚有高士卻聘逃名昔居此猶龍變化本  
無方我疑卽是柱下史一千年後我公來香凝燕寢華堂開勳業  
當從本原出不慕龔黃慕老萊想見斯堂全盛日名賢題詠俄成  
帙賤子開函獨涕零卅年舊事猶堪述憶昔先人鄉薦初與公同  
歲舉賢書解組歸來學陶令悲風蕭瑟慟舉魚如公孝思誰能繼  
羨公祿養猶能逮自憾依人老仲宣獨遲捧檄慚毛義公今惠政  
滿南康我期歸棹登公堂臨江回首煙波淼空指枌榆望故鄉

讀陶謝鮑庾集

以下癸巳

陶徵士

叢桂生幽巖春華非所屑蒼蒼陵上松固保歲寒節卓矣陶徵士  
素心獨修絜揚文鬱龍虎制行矯霜雪彭澤一解官柴桑斯息轍  
躬耕詎不勞苟祿焉足悅吁嗟典午後八表同昏滅餘禍及文人  
干將多缺折醉眠觀廬山此意不可說

謝康樂

良玉不蘊采誰能保幽貞躍冶金不祥乃與世俗爭康樂絕代姿  
振采由簪纓林居極標勝台鼎足遺榮名實苦交戰心迹何由并  
躁競道所戒奇詭物斯驚鸞翮竟以鍛豹隱終無成坡陀廣州血  
千載餘哀情

鮑參軍

滄海一橫流玉石乃同碎懷琬就煨塵於時究焉濟參軍起寒門

文采照當世故宜參謝軌獨匹休麗衡陽初賞音臨海斯結契  
慘慘投乳贖翩翩失書記狩野乃傷麟當門竟鋤蕙嗟哉行路難  
三復揮古涕

庾開府

秋蘭媚幽谷移植乃不芳爰居饗鐘鼓豈曰安其常蘭成習宮體  
父子官春坊欣逢皇路夷文酒日徜徉胡爲白馬來空守朱雀街  
拭玉雷西河餐粟老北方身孤憤斯集文老道弗昌惻惻江南賦  
千秋騷怨長

擬杜工部詩

天河

望遠嗟雙宿悲秋感七襄如何帝女貴也責聘錢償案戶時當見  
乘蓬說太荒人間與天上消息總茫茫

初月

未當圓景滿已見夕陽斜豈有星能替休教霧更遮杵聲微動兔  
弓影乍驚鴉繡閣蛾眉斂含情化彩霞

搗衣

豈意封侯壻長征遂至今拭殘閨閣淚搗碎玉關心力倦情難歇  
風高響易沈寄衣何日到莫待九秋深

蒹葭

水國蒹葭盛霜枝嫋萬條澹宜秋色畫孤共客心搖宿鷺宜深護  
伊人未可招維舟夜無寐斷響益蕭蕭

苦竹

苦筍不堪食青青竹滿林螿虻雖少味翳目豈無陰慘澹名山氣  
艱危志士心散材偏老壽感物意沈吟



除架

抱蔓歸來後園林架可無年光過葵菽秋色老瓜壺是物同芻狗  
何人愛屋烏功成運宜退遙夜感陰符

廢畦

秋菘與春非生意不相關菜甲眞愁盡園丁亦苦閒寒香疏老圃  
古色暗空山好更滋蘭蕙毋將棄草菅

夕烽

紫塞沈烽後銷兵二百年何期撼鼙極又見舉狼煙赤氣騰灰劫  
青光照海天平安未妨報莫遣近甘泉

空囊

落莫空囊賸荒虛積鏹珍如何阿堵物能困振奇人負杖無生氣  
當車有涸鱗青氈故物在猶足傲錢神

蕃劍

非必摩天刃且防行路難他年化龍去今夜引杯看水淬滄波闊  
神凝海月寒本來蕃國物仍借斬樓蘭

銅瓶

古瓶何代物日夜井泉澆出水成瓊寶栽花茁翠條年侵瑤殿圯  
事往玉顏銷獨有青銅質依稀認故朝

歸燕

霜冷荻花飛行人尚未歸秋風逢燕子夕照感烏衣海國夢魂遠  
江湖消息稀年年望鄉里愧爾洞先機

秋笛

涼風一夜起笛韻發林間入破管愁裂倚樓人未閒秋聲滿天地  
客夢獨關山莫奏龍吟曲能催旅鬢斑

送遠

豺虎徧乾坤，驪車駕里門。行人望已遠，別酒去猶溫。報國一書劍，還家幾夢魂。林間數歸鳥，棲宿故相喧。

登天心閣

康樂登戲馬，元暉望八公。憑高固多感，懷古安有窮。微涼步城隅，古閣來清風。山川抗形勢，襟帶江湖通。斯邦信繁盛，佳哉氣葱葱。紅羊昔換劫，青犢紛來攻。時危奮豪俊，義激啟孤忠。遂將奔鯨曝，終受封爵崇。淩煙列圖象，賜樂答殊功。管絃沸夕朝，臺館何玲瓏。盛衰詎有極，持滿貴守冲。誰謂土風薄，易俗在英雄。

過嶽麓

山公黃壚感，向子懷舊賦。念昔苦無棕，馳暉不可駐。微風汎輕舸，落景引遐步。睠言雲麓地，始越朱張渡。俛仰憶同心，翰墨昔爭鶩。

行吟越青山夜坐露白露在者官四方亡者卽長暮江山豈異昔  
舊識惟鷗鷺芳歲復幾何觸目渺非故何以追古懼青楓魂倘遇

山行

天光盪遙青人影下叢綠空翠誠難名喬松間修竹殷殷雷轟午  
嶙嶙車出谷路轉乾坤大曠然見原陸曲折藏茆茨回旋足樵牧  
似說年歲豐欣逢稻粱熟夙志負躬耕多聞愧干祿栖栖比勞薪  
坎坎嗟伐輻緬懷歸田賦不遠倘能復

題夏芝岑師嘉禾圖

昔讀逸書嘉禾篇假王蒞政方勤和延登贊公公奉鬯魯天子命  
作嘉禾天人感召事不妄陋儒疑僞理則那斗威儀應政昇平援  
神契徵德滂沱說題辭云五精列三十五穗連莖多盈箱充車或  
夸說重舌九譯非傳譌鑄京事往數千載東海幾見無揚波黃龍

連理瑞莫致白虎封禪文空哦我師盛德古循吏樞府久直金鑿  
坡湘中督漕兼秉臬宣布惠愛除煩苛公餘宜園足嘯傲筆染小  
閣憑婆娑異母同穎忽驚詫乃與蘭蕙交枝柯貫桑毋勞野老獻  
播穀豈待農夫過國香餘潤分露葉益景古翠生煙莎天生瑞應  
入圖詠喜歲兆稔人無痾一時才俊競賡續各建翠鳳鳴靈寵德  
治精通法宜頌詎貢諛媚徒媵嬰瑞也於時走江海矢音未及追  
卷阿山頽木壤感何極展誦遺墨重摩挲方今

皇澤洽海表地過日月窮義娥越裳白雉豈足道琛賫遠致英與  
俄循良報國勝韓白待鑄農器銷兵戈天下爲一自今始擬獻圖  
畫幽風歌

湖口岳忠武祠

遺祠猶枕暮江濱半壁河山已化塵  
圖圍孤臣大小眼廟堂三策

北南人生逢弱宋原無命死報亡秦倘有神一事告公公定憾  
湖舟過駛雙輪

八月十五阻風湖口

昔逢端午泊江頭今值佳晨又滯留萬里山川劃吳楚一年風月  
盛中秋荻花楓葉青衫淚桂棹蘭橈赤壁舟欲望美人天外遠登  
艫把酒問誰酬

湘娥引爲龔門鄧貞女作貞女許嫁龔省吾先生之子家愧年十  
五家愧歿女守貞十二年卒歸於龔氏

湘娥夜警花魂泣靈譚鬼語風習習孤凰氣瘖不敢啼藥店飛龍  
愁骨立膏蘭竟天龔生年媧石不補蒼浪天頽城染竹志莫奪繫  
纓肯使賢雄脫女貞青青不作花嬰兒徹瓊無鉛華釵鳳塵生鏡  
鸞缺蕙心團團明似月瑤瑟未鼓采絃單古井不波湘水寒地老

天荒十二載江流日夜走東海冤禽憾塞滄溟枯神鞭驅石成夷  
途霜女凌風歸薊北雪花凝袂天無色縞衣獨立拜尊章光大  
節非嫁殤精誠能使白石爛彩伴哀詫都人歎

出南城拜墓至三兒嘉祿葬處

敬拜先人墓因觀幼子墳咽聲悽怨水冤氣黯浮雲去日一何速  
呼天竟不聞失雛哀爾母瘡口枉恩勤

授讀思疇昔嬉遊似目前從行應負汝夙慧太無年久病瘡瘍誤  
他鄉魂夢牽可憐埋骨後猶望好音傳

珍重高堂意充闔許此兒九原當聚首七載負含飴邱隴悲衰草  
庭階殞玉枝鼠肝與蟲臂知汝更何爲

宣平兒不育寥落毓麟亭妖夢偏終踐醫王竟不靈書來成異物  
望斷失甯馨豈必看碑碣方驚老淚零

正月初十日湖城解纜以下甲午

添園貴無我苦縣患有身天光自泰定物情多屈伸弱冠走江海  
素顏積緇塵何期髣髴髮霜猶作風波民久下南昌榻舊采西湖蓴  
騎驢將旅食更踏京華春蓬累未可恃萍泛爲誰因詎忘止足戒  
世網苦嬰人波路何壯闊乘化無尻輪方且託虛舟神全養吾真  
泊岳州城下

去國離鄉日斜風細雨天孤帆招岸遠一水抱城圓夜黑人歸浦  
沙黃雁語煙危樓不能上仰首意茫然

滬上見西人以鐵網置阜鵬作詩悼之

龍伯大笑滄溟枯桑田莽莽成平蕪鵬翼負天不得下鸞鳩斥鴳  
歡相呼阜鵬鐵爪盤沙漠影動回風下寥廓鶚視鷹睇無敢當狼  
狽縮縮恐相搜胡爲被困棲樊籠織鐵四布傷途窮羅網密密世



路窄風沙冥冥天宇空  
梟鸞六合方凌亂  
鷺鳥翩翩隔霄漢  
意氣猶使狐兔驚  
光采徒供耳目玩  
阜鵬阜鵬爾母懊喪憐羽毛失勢  
一跌歸蓬蒿君不見英雄拊髀志騰躍搔首上睨青天高

題許子笠太守承家天際歸舟圖

萬里疑無地孤帆直到天  
身行日月表眼隘漢唐年  
潑墨翻鯨浪歸裝帶蜃煙  
西湖舊花柳應望錦衣旋

龍伯何無罪鯁人詎可通  
誰能奠鼈極失策鑑雞籠  
精衛空填海扶桑早挂弓  
封侯丈夫事投筆敢論功

萬劫猶盤古榛狃舊洞番  
海東宣大化天外拊中原  
感慨虬髯客奔騰鹿耳門  
登艦眺鄉國莽莽獨乾坤

天漢乘槎路頻年十往還  
蛟龍藏大壑鸞鶴在三山  
欲駕長風去其如短鬣斑  
因君話滄海目極大瀛環

題宋梓儕太守

廷樞

太華聯吟圖

絕頂凌西華，洪池泛古瀛。尋源疑白帝，攜句問青天。步影危梯月，吟聲澹入煙。何須作重九，卽此會羣仙。

峰似見秋隼，關應瞰碧雞。豪情六詔少，俯唱萬山低。古木驚鴉起，荒苔對鶴題。吹臺高李後，廣和大名齊。

一自登皇路，曾無廢嘯歌。高才壓元白，舊侶憶羊何。夜月昆明水，秋風大渡河。向來吟望處，渺渺隔煙波。

題梓儕太守湧泉修禊圖

東風吹山叢，萬綠映帶清。流夾修竹蘭亭已矣，今千年山水無情。桃李俗修禊，餘春觴詠天。又從六詔會羣賢，茂林何必登南鎮。曲水無妨泛湧泉，黃蒿蔽空曩幽翠興廢無端感。山寺古蘚繡壁埋僧衣，野風吹檐斷佛臂。大雄不靈兵火荒，太華山色仍蒼蒼。勝友

將無抗王謝清時豈必悲彭殤胸中煙雲入雄筆情隨事遷尙堪  
述詩序曾題趙倚樓畫圖猶見玉摩詰獨有風流宋廣平每懷陳  
迹觸鄉情正當章水仁風拂莫憶滇池天氣清

聞海東戰事有感

捷報孫歆半信疑戈船下瀨已多時夢思入海觀龍鬪安得居夷  
從鳳嬉九節度宜專號令左將軍莫誤師期兵家上算曾知否拙  
速從來勝巧遲

上國屏藩敢犯干神京肩臂肯單寒客來談虎容皆變金盡屠龍  
技未殫浪說軍中畱一范須知海外有三韓請纓不是書生事還  
倚威名舊將壇

李秀峰

乘時

邀宋梓儕夏芰舫幹臣昆仲同泛舟東湖和白仙韻

四首

珠荷雨過氣猶昏，路轉湖濱又一村。  
問事不求詹尹卜，呼朋先叩  
辟疆園。秋來作客宜詩酒，老去經時止夢魂。  
乘興扁舟泛叢綠，藕花深處喜開門。

九垓汗漫化人來，萬古心胸使我開。  
修到神仙猶有憾，挽回滄海豈無才。  
清風徐動初移棹，明月相邀更舉杯。  
如此勝遊良不惡，獨難回首望燕臺。

滾滾無窮東去海，蒼蒼莫問古來天。  
帝分赤白雄何在，龍戰元黃劇可憐。  
誰信昆池厯灰劫，卽看淚水已烽煙。  
高牙大纛安危繫，辛苦籌邊數十年。

觸蠻其奈鬪爭何，鸞鳳仙山自舞歌。  
從古生天才子易，至今開劫度人多。  
衍波箋上詩無敵，碧落碑中字可摩。  
莫但雲煙安供養，且當風月共婆娑。

題夏芝岑師庚辰人日長沙定王臺探梅圖

人日徵高會王春眺古臺十年久持節一笑共探梅東閣慶詩興  
西園擁上才清游薄張蓋僚屬盡鄒枚

長沙古貧國大雅漢賢藩同姓初茅社遺封有蓼園後來銅馬帝  
當日赤龍孫博得西京土憐王望眼昏

夫子當時傑修臺重孝思回旋憾地狹窈曲駐春遲手植梅千點  
情牽柳萬絲行行未忍別北去覲

彤墀

城陰歌一闋石帚句千秋簫有小紅和杯宜大白浮山川迫南渡  
雲水渺孤遊屐齒經行路還詢湘綺樓

清晏逢佳日登臨仿昔賢酒行例金谷花坐敞瓊筵圖畫鬚眉古  
歌詞主客傳暗香與疏影更壽石湖仙

驪歌方惻惻鶴化又匆匆詩好紗猶碧人遙萼自紅蒼生惜霖雨  
絳帳感春風獨有官梅在摩挲比召公

題芟脮桐華吟館集

清嘯傳家學雄才屬妙年探梅古臺雪擲筆洞庭煙花豔春聯句  
燈紅夜擘箋宜園舊公子聲價建安前

道勝忘豪貴天全見性情高門若蓬戶被服自儒生丹穴無凡響  
黃鍾有正聲桐華吟詠地何事拙齋名

答王尺蓀

子庚

用原韻

文翁何幸得相如講舍高才集佩裾每憶騷壇人寂寂但聞廣廈  
屋蘧蘧六朝豈必皆衰世兩漢空傳有壁書自古金丹無祕訣  
魚仙化在三餘

道合何愁蹤迹睽青楓魂返月初低曾聞神聖天能補豈謂文人

命不齊鯨力正橫滄海上  
狼煙誰靖大荒西  
乾坤整頓須豪俊  
莫賦榛苓歎簡兮

題吳信卿

贊邦

松蔭讀書圖

古今看不盡卓犖兒羣書漏月白  
窺坐籠陰綠上裾  
乾坤餘老眼  
年歲付閒居  
自有千秋想  
母嫌作計疏

霞想能頤壽山情可駐年  
襟明祝融日笠擁太行煙  
吟詠有神助  
逍遙懷古仙  
何人問詩老  
名合繼松圓

中秋後一日東湖泛月秀峰分韻得十字作詩贈予予分韻得六  
字舟中走筆答秀峰並呈芟舫

風月無盡藏湖山饒清福  
託身游乾坤抗志在濠濮  
佳辰條中秋計日已逾宿  
前期惜坐誤舊約願重續  
扁舟出橋門一轉入叢綠  
低頭起攀花引手防挂木  
沙淨鷗影涼風高雁聲縮  
空濛開塵函

俯拾若可掬秋意催晚荷星光奪明燭疑是神仙游觀者踵相屬  
愛茲月一輪散我愁千斛滄海方橫流宇宙近塲黠魚羊將食人  
龍蛇爭起陸苦哉鳴江戰猗歟兕觥祝匡時正需才吾輩非碌碌  
君行持手版我久餐盤藉坐中清高致宜共推夏馥打舟就湖壩  
覓地營野屋爲我畱茆庵鑑湖乞一曲三人張周劉夾宅清漳卜  
酒船共酬唱拍浮此生足萬古無波瀾詎更憂百六

疊用前題芰舫集韻以誌泛月之游呈秀峰芰舫

人間無此樂天上是何年玉宇寒微影金波澹不煙如聞羽衣曲  
合寫衍波箋赤壁後遊賦長懷北宋前

嬋娟兩花月天意太多情圓景夜中滿遠香風裏生叢荷分棹色  
疏柳拂篷聲撫境遺塵想何論身後名

秋色五首用杜韻



秋色老平蕪，秋心問太虛。飢鷹盤大野，寒蟀語深墟。採藥風欺骨，裁花月滿鋤。吾家異吳會，不必憶鱸魚。

獨得蕭清趣，休嗟時命違。天將蟲警物，人與燕爭歸。搖落悲應古，繁華夢已非。

聖朝無餓士，何事採山薇。

猝變時涼燠，平分漏短長。草枯山少致，池涸水無光。疏柳涼生影，殘荷冷墜房。湘蘭好紉佩，時俗薄幽香。

西南聲淅瀝，夜讀一燈紅。把酒邀涼月，推窗避晚風。聞愁萬古積，清興幾人同。耿耿星河夕，哀蟬憶漢宮。

欄空帖弔月，天闊雁呼羣。萬感逢秋急，孤鐘入夜聞。詩情閒似水，世味澹如雲。獨有清砧發，聲聲念遠軍。

題環游地球新錄

鵬搏游南冥九萬里始足我今胡爲者跼伏若蝸蠅李圭奉朝命  
互市走海曲縱橫地球徧乃著環游錄其始由東洋載以舟萬斛  
由倭遂至美舍舟甫登陸鐵軌馳金輪日月忙轉轂行空若乘尻  
穴山乃入腹如此七晝夜未遑食與宿下車三日聾魂夢猶轉轉  
地名舊金山合眾國所屬海外一都會粵人實繁育歲往者數千  
男婦趨若鶩彼豈輕去鄉誠苦生計蹙國處地球背勢欲倒坤軸  
通商息攻戰猶勝俄法澳開基華盛頓霸氣自雄獨創業不傳子  
分疆三十六乃知六合表非無閒氣毓大開十年會中有萬間屋  
會者數十邦不數魏吳蜀吾華亦往市事以李君督行行踐所屆  
廓大誠駭瞞夥頤沈沈者眼界所未觸瓊貨紛鳥集土物亦山蹏  
龍宮洩寶藏海市明朝旭乾坤大列肆華商同販鬻吾華藝若綺  
外域眾所欲意尤貴藥物願獨賤珠玉推彼設會意非徒擴耳目

鬪巧求新機覽物辨殊俗暇時嘗請觀鉅者機器局織布與造紙  
鑄錢不用沃細至鍼與釘俄頃卽盈篋彼人意矜炫謂可行華族  
不思彼民稀可以械器續華已苦人滿無計求生鞠若更用機巧  
毋乃爲民毒彼有大書院規模甚整肅知其致富强大本在誦讀  
吾華出洋生學夷計已夙千金師屠龍毋乃徒買禮樂與詩書  
中國素所蓄新舊金山地胡不開學塾稍繫吾人心亦變彼異服  
方知聖教大足使蠻貊伏彼勸設領事各處司訟獄此事亦可行  
免受土民辱會畢歷諸國德法行頗速外形略相同內祕殊未燭  
倫敦爲英都恃險城不築繁富冠域中民居或疊複鑿地通火車  
胡不畏傾覆登樓用機械得毋苦踉跄歸途仍舟行照眼海水綠  
路通蘇彝河一刀竟能刷巨靈孽華嶽愚公移山麓精誠金石開  
故事載簡牘地中無光明紅海積炎溽計里足減半無須過吸朴

埔頭東南洋俛首奉約束蠢爾巫來由胡甘爲臣僕田橫氣激昂  
魯連恥瑟縮斯人今已亡番族况碌碌斯行二月餘生返又滬瀆  
地球環一周豈異馳騁壯游誠大觀但未至天竺俄土歐洲壤  
亦莫窮其躅所厯有著述無殊披圖錄乘槎與使西尙覺窘篇幅  
赴會自今始謀國在敦睦果能終和親豈曰非大福滄桑苦匆匆  
廉謹戒齷齪專恃鑿空竊不誅偵軍設密密橫海船峩峩高牙齷  
古來籌邊計豈在洋務熟茲編備采擇求效難一蹴觀書夜燈昏  
秋氣方撼撼

題漢西域圖考

黃農忽焉沒赤縣乃有垠荒哉談天衍世比炙轂髡天池南北冥  
蒙莊非口噤惜乎蠃穴土無由變鵬鯤堂堂天漢威使臣絕域掄  
博望一鑿空越國謀結援胡虜斷右臂織皮許天婚哀哀黃鵠歌

千載悲嬋媛張騫李廣利功罪難具論西域卅六國瓠史名猶存  
繼漢乃有唐四鎮幾覆翻安西多都督降附何紛繁繁古論兵威  
孰如奇渥溫師出無雷行所過失魄魂南征印度剋北舉欽察掀  
天不絕番族角端告還轅

聖清秉神謨萬國朝

天閭四衛實元裔噶爾敢決蹕親征跨周穆赫靈梁鼉龜蛇鬪啟  
內潰犬狴多詐諛銅頭磔蚩尤玉鈐奉帝軒南北入城間偃伯銷  
煙墩桓桓老班超更爲固其樊行省比內地陋彼漢唐元我昔讀  
漢書茫味迷其源憾不通古今莫定眾議喧今茲閱圖考快若覆  
發盆作者番禺人吏部李恢垣書始漢迄今扼要語不煩別異蠻  
觸迹搜剔滄桑痕界限辨分合居行絕淆溷庫車故龜茲伊犂舊  
烏孫哈密最衝要昔者伊吾屯和闐卽干闥厥貢惟瑤琨蒲類前

後國今名巴里坤狐胡前車師變作土魯番哈薩克諸部近康居  
輿鞬葉羌乃莎車霍罕實大宛有喀什噶爾疏勒古所敦汪君吾  
姻連匹馬出玉門萬里赴一官何時朱兩轡紛紛古城郭蹤跡略  
可跟西北仍游牧夷禮習踞躡獨惜陽關外戈壁風沙昏鄙善六  
小邦餘民無一村回回匪回鶻雪山是昆侖考據薄徐松魏源經  
緯分續繙披圖眼界豁使我心胸捫上下千古間六合幾臬鳩磨  
牙冀窳死哆口鯨鯢吞此衰則彼盛陰陽互相根蒲萄入漢家曷  
若采蘭蓀萬命博一馬廟樂登筵填光武議閉關後嗣復批狼重  
兵防西羌遺禍起董袁唐宋侈開邊兵車夸廣輓悲哉古戰場新  
鬼哭煩冤猪籠一跳躑霜瓦空傷鴛河隴且不保豈復求亡猿惟  
元最雄張控弦恃弓弣八荒入囊括萬騎騰驪駟胡爲不百年蒙  
古殲中原撒馬傳火器歐人習焚燔涓涓不塞流江河日崩奔觀

今所闢壤遠逾漢堅昆列城誦詩書歌舞絃鳴鴟蝨爾瓊毳輩宜  
識

天家恩奈何心狼子且重勞虎賁昔憾阻大秦今患鄰犁軒輜軒  
走絕域從約同盟洎漢過誠不先彼信非蘋繁爭地欺商於索賂  
重紀甌英俄視眈眈目已無羌渾天竺奉天主教已非祇圖強不  
畏震電巧足籠愚愒尙冀葱嶺間同心鞏屏藩庶使地中海猶知  
天子尊嗟我老傭書無意求騰騫頻年泛滄溟返棹歸湘沅一燈  
觀圖史孤舟泊江滙夢斬遼海鯨驚醒波潺浹杞憂非敢忘熱血  
無由噴澆我古今愁賴有酒一樽遷流付元化已矣將何言

章江泛船四十韻用杜工部白帝城放船韻寄芟舫並呈秀峰梓  
儕

望遠月千里懷人天一隅乾坤容跌宕道路動嗟吁高舉慚黃鶴

狂吟擬白晷自憐耕用目敢許學非膚談塵虛揮玉探驪歎得珠  
諸君分競病雙管鬪生枯開闢時荒渺神仙事有無箋紅聯句悵  
荷綠泛舟娛小海詞先唱松陵和恐輸青蓮光藝苑紅杏豔亨衢  
公等誠仙吏吾生類賈胡雲萍賸皮骨煙艇託形軀膝閣偏羈阻  
吳城復滯濡江神禱無益風伯詛何須綺歲嫺詞賦清時拙走趨  
塵沙年老大宇宙日榛蕪愁比山層疊腸隨水折紆帆檣羅地軸  
星斗麗天樞岸隔青遮柳波搖碧上蒲秋心語寒蟀夜色警棲烏  
積雨交虹斷明霞灑日晡吳天鳥分道彭蠡雁爲都江迤成東匯  
潭澄俯大孤金膏詩憶謝石響記懷蘇躡屐蹤全沒敲鐘說太愚  
九垓誰汗漫五老有香爐行路難如此潛夫論不誣筆談聊快意  
芻獻苦無途草野思明聖邊疆誤腐儒栽桑到滄海伏莽向江湖  
鶴倚情堪憫鯨吞界敢逾遲迴鴨綠險蓼擾馬韓區日月懸辰極



風雲鬱壯圖羣仙獻蟠實多士翹鳳梧臺諫簡騰白闕臣弓錫盧  
金縉和陋宋玉帛會追塗赤縣神猶赫蒼天意豈殊勿驚狐假虎  
莫倚馬爲駒勢緩嬉堂笑時危仰屋呼吾鄉勁兵出大局幾人扶  
韓白難重得楊苟未盡誅但能安歎詠何敢憚嶽嶽

蠡湖晚眺

水雲一色合魚鱗湖上微風浪殺皺隔岸漁舟一招手蘆花深處  
更無人

秋風瑟瑟動青蘋日暮山禽似囀春長憾行人不如鳥夜深棲宿  
碧嶼

白雲吹散蔚藍天席挂西風古渡邊一角青山臥波影空江如夢  
月如煙

舟行日落望匡廬黛色金光尚有無欲問謝公攜屐處青苔淪沒

賸寒蕪

嘉魚

投老厄江湖年光岸鞏枯水塞星斗大帆挂月輪孤道阻風南北  
魂歸夢有無夜深聞斷雁惻惻似相呼

途中遇湘軍東征

戰士連檣下軍行氣欲吞東征挽滄海西倒蹴昆侖慷慨封侯計  
艱難報

主恩棘門與灞上兒戲漫同論

勢固殊夷盜情堪託死生豈徒殲奕箭未敢掃鯢鯨直抵扶桑地  
先收平壤城從來耐苦戰推重老湘營

軍書催火急兵氣壓江寒目已無三島心知有一韓選鋒今日易  
擇帥古來難太息曾胡往蕭蕭大將壇

拊髀思頗牧，勳臣謝世多。  
亟求好身手，規復舊山河。  
橫海將軍出，臨江節士歌。  
陰符夜深讀，餘憤塞煙波。

### 望君山

君山一髮翠雲低，回首蒼梧氣慘悽。  
風定月輪明上下，夜分湖色割東西。  
千軍北去驚烽火，獨客南來厭鼓鼙。  
卻叩重華問時事，可能橫海取鯨鯢。

### 兵車行

兵車來聲班班望燕京，指榆關榆關月黑邊風寒。  
積雪如山白嶺，虬角弓冰凝不得控鐵甲。  
砭骨心悲酸征夫往往墮，指死遠客聞之共哀歎。  
哀歎意何爲，關外勢方急。三神島上無仙聖，但見黑風吹海立。  
鯁人踏波行，鮫客捧珠泣。天吳移海海水枯，蛟鼉陸居滿城邑。  
城邑蕩蕩虛無人，可憐碧水生黃塵。鳳皇飛去鴟梟至，遼鶴

羽化三千春龍伯釣鼈帝不曠朱蒙魚鼈何能神河伯外孫可哀  
憫海風直射析木津欲問征夫意先惻可哀豈獨在河伯漢家陵  
墓氣佳哉鬱鬱葱葱帝王宅彎弓不避軒轅臺越甲鳴君淚橫臆  
負海東南數十州元宮息壤不能塞伏波橫海繫何人江淮勁兵  
黯無色湘中健兒好身手努力出征期報國長者既有問征夫敢  
盡言自從粵亂地軸翻湘軍喋血挾其樊收復金陵遽遣散請纓  
無路叫帝闈時危湘軍耐苦戰事定淮軍蒙賞恩淮軍一敗又湘  
軍宿將老死無一存存者投閒技久廢空拳赤體甲不完吾儕効  
死固其職啾啾新鬼愁煩冤君不見前明苦倭江海昏碧蹄館敗  
危東藩汪直徐海亂中原奸民蒙面多詐諉安得再生俞戚將掃  
盪滄海清乾坤紛紛吾儕何足論

師伏堂詩草卷六

善化皮錫瑞鹿門

感憤以下乙未

密詔傳哀痛艱危仰

聖明沈謀絕西幸憤志激東征不滅桑林祝何知社稷輕諸公袞袞在曾語及蒼生

軒帝藏弓劍園陵久秘扁陪京故遼瀋開國有神靈石馬天威赫金龜寶氣青五雲松柏路誰爲固郊垆

虓虎中興士淮軍又楚軍何期關白亂忽拱衛青墳薦賄誰求士囊金適自焚但須廉恥將即可靖妖氛

成山斗入海要路接蓬萊蛟蜃頻噓氣爰居莫避災東方君子國西極化人臺徐福求仙地於今是禍胎

豈惜誅林父安能用孟明連檣沈鐵甲一闕棄金城白面何知戰  
黃頭亦將兵嚴刑責元帥人肯後功名

一聞种少保萬眾盡歡呼專闔加黃鉞堅冰上白鬢旌旗應變色  
貪懦必全誅莫以年遲暮風雲鬱壯圖

不解談天口何由簡帝心漫云工鳥篆卽可定雞林首鼠兩和戰  
雕蟲七縱擒招賢無樂毅空復費黃金

舊部招荆楚長纓請世臣當知銷碧火不比掃黃巾報漢孤兒志  
亡秦三戶人將門宜出將或更畫麒麟

驚聞

巨艦蒙衝一旦休驚聞夜壑徙藏舟安知蕞爾微三島竟敢橫行  
大九州鼇骨攜歸龍國用鮫綃賣盡海田愁嚴顏本是生降將錯  
被人呼作斷頭

道中見桃花

鎮日搖搖風亂吹，可憐零落過芳時。繁英莫便隨流水，珍重嬋娟絕代姿。

想見花林一片春，仙源合住武陵人。中原魏晉匆匆甚，何事當時苦避秦。

壺園看牡丹和芟舂韻

豔陽元氣老不死，幻出芳園萬紅紫。婪尾春開春已闌，嬋娟遲暮常如此。天然富貴非強求，不比拒霜媚清秋。夢中彩筆人未識，日邊紅杏攀無由。壺中老仙化工手，倚雲栽花植根厚。從此看花到子孫，春風拂檻詩千首。乾坤雙丸跳太疾，陽春煙景無多日。君家兄弟謫仙儂，秉燭夜游時莫失。坐花醉月樂事多，酒香宜作韋家歌。休問滄桑幾翻覆，杞人奈彼蒼天何。

艾舫見感憤詩賦詩相贈次韻奉答

春風搖江波綠楊裊芳陌飢驅非得已遠適竟奚益夙懷寄幽篴  
走俗乖心迹一身不自謀何況計蒼赤千里壯志在萬古深愁積  
獨絃空哀歌此日吁可惜青眼得吾子素心數晨夕憐我感時艱  
慰我勞行役安知劉景升自笑坐談客短棹湘流清長謠楚天碧  
意懷長安樂目送波斯舶勞勞鼠搬薑屑屑狐集腋計疏疑墨卿  
才盡謝詩伯豈無雲霄志奈值烽燧迫海波今方揚霧氣人共責  
爵位既已崇頭顱安肯擲連城棄不顧兩臂爲人搯妄語張敵鋒  
奔逃趁暮汐從來北方強乃不衽金革遼鶴悲空歸海鯨詎能獲  
棘門盡戲劇籌邊無碩畫肥家富金錢選將論壁帛荆楚多奇才  
聲威舊炫赫於今多散軍伏莽防乘隙矧今天亢旱恐遘陽九戾  
逢君悅情話坐歎殊疇昔休戚誼相關爲我籌善策移居事非艱



故里未忍釋吾家無長物鱗萃有往籍祇愁誦孝經時方撰孝經鄭注不  
必平戈戟桃源在何處四顧天地窄湖海心蒼茫那聞樂土適桑  
塵變須臾風波蕩帆席靜思難奮飛仰慚林間翮

送李藝淵丈回湖南辦理督銷

去年送公移秣陵蠡湖南下炎風蒸石鏡香鑪感遺愛回首應惜  
山峻嶒今年送公返湘渚章水餘春散紅雨綠楊萬縷牽離情欲  
繫征帆畱不住此去宜開畫錦堂福星一路照三湘牢盆禹筭裕  
國計詎徒富貴歸故鄉昨過臨江指滕閣仰見慕萊堂上作方期  
吟筆長追陪豈意離觴遽斟酌髫齡識公卅載前先子鄉舉公同  
年南雲迴望那忍說西華漂泊無人憐吳頭楚尾路千里歲歲飢  
驅竟如此幾度別公將白頭更向何門跋朱履况今滄海方起波  
陸走獺騰蛟鼉三山風引不得到拊髀將奈橫流何吾鄉督師

與公厚榆關萬馬風夜吼期公獻策靖海氛博取黃金印如斗

五柳館

吾廬昔所愛山石曾醉眠扶疏漾深碧何似義熙年高人邈千載  
故館凝寒煙酌酒呼先生環堵風蕭然

萬杉寺

古木壽於僧深林月先暝萬葉搖秋聲和煙捲清磬寶書無遺蹟  
珠池在幽徑千載多廢興一燈自禪定

舟行絕句

江水聲潺湲長流歲華往浪影年年奔鬢絲日日長

萬頃天茫然一舟如斗大煙暝無人行時聞櫓聲過

所乘舟名巴斗

暝色連江黑漁燈度水紅榜人望天語明日有西風

巖關樵舟車欲度無羽翮誰爲作俑人吾悲秋風客

有感四首和幹臣

崔嵬長白聳奇峰拱衛諸陵王氣鍾  
丁令空聞返遼鶴田疇豈忍  
賣盧龍金州拒敵無堅壘鐵嶺開基有舊蹤赫赫

高皇自神武橋山弓劍暮雲封

幽燕左輔失三韓滇粵還憂肩臂寒  
始禍先驅有關白分肥揮噬  
已蘇丹孤秦大鳥垂頭久六國連雞奮翼難  
極目環瀛同厝火那  
能要約恃珠槃

汶陽來返使車旋鄭璧何緣假許田  
歲幣已經歸絕域邊烽應不  
近甘泉玉環入貢延西母

金殿紆尊待左賢總爲蒼生全大計  
漢文有道量如天

化機奇巧洩乾坤礮雨硝煙日夜昏  
鉅子聖人三墨貴臚丁文字  
五洲尊如何華夏崇祚廟反道堅昆奉孔門  
渾沌鑿窮天亦老桑

田變幻更難論

章江登舟大風陰晦幹臣以詩贈行舟中走筆答之

秋風怒號章水枯黑夜舟人相叫呼走辭倫好卽道路已覺魂夢  
傷羈孤魂夢孤搖樵舍泊紀功猶見文成迹當時赤手捕長鯨三  
百年來鬼燐碧重陰不散蒙氣昏惡浪倒灌魚龍奔老蟾匿光不  
敢吐乃使暮怪迷乾坤君才奇律歸昌鳳奮臆一鳴已驚眾豈惟  
詞賦麗卿雲抱策長沙有深痛濟世常期英妙才一篇抵贈千瓊  
瑰美人欲報青玉案招賢遲爾黃金臺

歸過鄱湖

征途迢遞幾河關屈指春秋往復還帆影如煙下彭蠡艣聲和雁  
度廬山蓬心放浪形骸外萍迹飄流天地間獨憾霜華上鬢髮白  
頭垂暮未能閒

聞西陲近事

東海方安謐西陲又混莽花門射漢月葱嶺斷關雲莫奏伊涼曲  
何堪消息聞健兒好身手猶是故湘軍

雜種畱回紇殊方達狄鞬遂成千載憾難塞一丸泥  
列聖煩籌畫勞臣力鼓鑿徙戎無善策目斷大荒西

過嘉魚

周郎去已遠赤壁又東風人物江淘去旌旗煙掃空林霜變寒綠  
湖日隱餘紅長嘯意無著迢迢天外鴻

題易笏山方伯丈浩園介雅圖 以下丙申

香山洛社久寂寞不見園林鐘鼓樂今覩浩園介雅圖如廣綠野  
引春作已卯見劉韞齋帥綠野引春圖曾題長句沃州山人骨九仙前身駕鴻乘紫煙

上界眞靈足官府未妨游戲畱人間少日高名動京國運籌曾磨

盾鼻墨大才槃槃謝家安晉蜀黔吳建勳績真人俛視四大空偶  
示迹象開愚蒙早學陰符奉黃石晚求辟穀尋赤松大鵬搏扶六  
月息披一品衣遽斂翼桂樹招隱山之幽長嘯歸來楚天碧龍伯  
夜捲滄溟枯鼇山漂淪羣叫呼補天安得女媧石贈客虛費鯨人  
珠仙聖訴帝帝不罪宮闕金銀了然在尙有蓬壺時大瀛漫憐員  
岱沈東海萬言慷慨阻九閭孤棹飄忽還三湘湘城一片漉淨土  
僧俗介壽同躋堂膝前才子有文度難兄難弟雙玉樹乾坤整頓  
看兒曹日月呼吸生禪悟舉酒爲公祝壽康畫圖畱得鬢眉蒼休  
言碧海揚塵事且受金丹不老方

爲芟舩題動靜交養圖

濁世方開切真人但閉關塵飛任東海簾捲看西山石髓無靈液  
金丹有大還常持養生術好駐鏡中顏

題范季遠

德培

觀察仕隱後圖

圖名仍仕隱興寄益深微江漢無龍臥雲天有鶴飛夙心孤月鑒  
清夢故山歸澹泊承先志滄洲意豈違

既迫蒼生起聊遲綠野游朔風懷魏闕涼雨話神州前日對雨談時事甚悉  
繡豸巡江日奔鯨攬海秋功成拂衣去再泛五湖舟

壺園主人招飲爲荷花壽歸作此呈主人及同坐諸君

壺隱一天地花開幾歲年盛筵君子壽良會主人賢草靜蟬啼露  
林陰鷺徧煙春園桃李宴不必讓青蓮

涼風遲送爽歸路早瞻星髻影先秋白燈光入夜青芳華恐零落  
世事委沈冥且趁良時醉三閭莫獨醒

題盧仁山

懋善

乘槎破浪圖

破浪疑無地乘槎直到天扶桑擊赤日獨木跨蒼煙尺縮三壺小

瀛環一鏡圍搏風九萬里應接斗牛躔

仙境常騎鯉神遊懶策鼇隨身一書劍濯足幾波濤  
葦渡天風輒星浮水氣高十年滄海夢消息問盧敖

新秋

老至最驚秋年華逝不留梧桐一葉落砧杵幾家愁  
宋玉空文藻安仁易白頭何須問童子聲已到簾鉤

疎星

疎星宿簷角暝色上樓頭萬感叢昏夜一燈搖客愁  
且隨蛩警露早觸燕驚秋木葉蕭蕭下空懷楚水流

看鏡

眼中白日堂堂去鏡裏清霜細細添歲月已同過隙駒  
功名徒似上竿鮎校書揚子終投閣卜易君平早下簾  
靜倚短檠思往事可



堪懷抱鑿明蟾

七月十一日夜得湖南電報知次子嘉祐考取選拔書此誌喜距  
予選拔時二十四年矣

憶貢明廷廿四年欣聞仲子續前緣又看選拔逢雞歲敢謂生兒  
足象賢西漢一經風旨在大江千里電音傳貽謀食報惟清白追  
念先人一泫然

普賢寺鐵象歌

金身丈二光巍峩遠照震旦開支那神威蹴踏象力大更騎香象  
超恒河南唐刺史邊佛子戒律常持亂軍裏普賢白象鎔鑄成妙  
相莊嚴古無比洪鐘鼓鐵廿萬斤太乙裝炭雷精焚當時寶氣燭  
霄漢諸天散布華鬘雲紅羊倉皇禪干劫白馬經殘無貝葉惟畱  
大像鎮西江天龍夜驚魔鬼驚憶昔射策明光宮象坊閒步西城

中垂鼻輪困數五六皆與此象形模同滄溟揚塵海天黑可憐翡翠無消息大雄不靈羅刹來景教流行徧中國有人來自長安門南越大獸無復存象郡已成狐兔穴蠻方誰貢雉獒珍十年近事何堪說弔古荒祠意悽切銅狄重摩五百秋大錯難鑄九州鐵

永福禪林觀桂洲石

玲瓏卷石山琢骨傳是前朝相公物蒼然靈質含古悲題字桂洲猶仿佛桂洲登朝事世宗大禮議後朝廷空郊廟煌煌考古制塵糴不數叔生通奏議一編文典雅猶勝椎魯少文者河套方鬪巖家雞邊庭遶市伏鸞馬當時相國已歸休公謹猶承聖眷優東山不堅安石志西市乃斫太師頭高臺曲池狐兔據飄零一石存何處石不能言似點頭浩劫惟憑龍象護我聞陶令觀廬瀑醉眠石上酒初熟介立之節同貞堅彭澤歸來帶不束又聞李相營平泉

醒酒之石人爭傳太尉顧我毛灑浙朱崖晚節危南遷嗟公富貴  
空炫赫冤甚朱崖愧彭澤摩挲故物長太息慎勿重爲勢家得  
由南昌至九江利濟輪船中作

吳楚二千里年年一往還舟行背紅葉人語對青山霜雁呼羣急  
沙鷗對客閒宜僚陸沈久猶憾在塵寰

蘆花

寄語秋風急休催蘆絮飛愁添雨蓬髻冷到一征衣月下魚吹輓  
霜前雁掠稀更看楓葉下浙浙墜漁磯

過南康

風急荻花秋吹花亂撲舟遠天回雨腳高浪接吳頭五老如招手  
孤吟不解愁楚狂狂未足無暇入山遊  
泊嘉魚峽中

荆楚縱橫地孫曹割據心白波天在水赤壁古猶今感激東風事  
蒼涼西日陰何人弄長笛驚起老龍吟

斜陽

斜陽落雁背涼意到鷗邊獨影燈搖夢羈愁月鑑天依人難作客  
入世敢求全鬱鬱千秋想江湖苟歲年

湘如曲

清湘水光綠瀾瀾仙妾撇波跨雙鯉玉笙吹徹嬌不飛靈狸拍拍  
迎湘妃千年古悲刻斑竹南望蒼梧泣紅玉秋風嫋嫋吹洞庭望  
君不見江峰青

新隄

憶昔黃巾熾曾踰赤壁來新隄界南北此地設軍臺事過波濤靜  
時平鼓角哀曾胡甯再見感念出羣才

嶽麓峯禹王碑

禹獲金簡神元夷蒼水使者夢所遺白馬祭山省玉宇通水乃鎖  
巫支祁雲密峰頭紀功績道人曾見薤葉披昌黎訪古涕漣洏夢  
得傳聞空夢思千搜萬索猿猱悲七十二峰無盤螭攀蘿捫葛何  
子一有緣得覩瓊玕姿一見不再信神物摹刻嶽麓形果奇東西  
五丈南北倍怪石絕偉苔花滋二楊慎時喬郎沈鑑釋訓異盤鼎  
述作同傳辭魚首黃衣詎可信坐使懷古心然疑漢人不識科斗  
字鼎銘誤讀衛孔悝壇山石刻陳倉鼓諸儒聚訟交詆訾聖人手  
書季子墓君季墓葬文參差三代法物在者幾與其過廢甯存之  
宣和博古尊崩彝豈盡甘受前人欺君不見殷伐鬼方鴻烈垂獨  
山州有紅崖碑

李北海麓山寺碑

長沙古郡魁名蹟麓山傳誦北海碑勁渾深入魏晉室世稱三絕  
書籠兒黃鶴一去不復返杜陵空想江夏姿弇州山人品庸陋又  
於杜集驚其詩六代初唐尚俳優奉佛亦自因其時魯公精忠照  
今古猶信象教崇牟尼龍宮塔廟衛浩劫詎必過刻深求疵公書  
碑時謫遵化是非張相逢傾危署銜猶作前刺史小官得毋嫌過  
卑晚分漢竹厄吉網坡陀青州血淋漓思訓林甫乃近屬書丹未  
澆事可悲文字因緣不救死虛傳此碑勝雲麾干將莫邪易缺折  
鋒穎真似沙畫雖於今碑亦裂左角憾秦璽字缺相斯唐宋搨本  
安可得曾見唐搨本文猶全更苦日夕施檀椎長嘯高才日陵替  
倘逢法善魂可追

眞西山論僚屬詩碑

開禧之末何披猖象祖打殺韓師王大寒甫過鑽彌遠何異去虎

更得狠道學弛禁收物望山頹已失朱紫陽西山先生承墜緒不  
附權勢立廟堂宮僚先識不見聽力請外出知湖湘政餘作詩論  
僚屬胞與民物念不忘仁言藹然殊可詠惜哉惠澤止一方寶慶  
改元得內召老奸專國裂紀綱擅易皇嗣冤濟邸先生抗論遭謗  
傷真小人與僞君子大鶴乃厄鷹犬梁葉公好龍見卻步理宗諡  
理空表章浦城歸修讀書記安得執此蹟時康奎星樓前訪故蹟  
石字雖泐詩可詳以當遺愛昭後世或如漢吏多循良

化城禪寺鐘款

宋鐘今存太乙寺上鐫南嶽化城禪淳熙十二年九月施造姓名  
文具全是時壽皇在位久東南半壁方晏然祭賽歸功大雄氏冀  
獲福壽銷罪愆朝廷雖小民氣樂鑪鞴冶鑄猶精堅惜前二年禁  
道學求言不用文公賢南軒東萊相繼沒恢復大計難斡旋復經

四年卽內禪有如唐宗悲杜鵑從此山河入牛角湖湘千里驚烽  
煙哀哉德祐二年事縱有佛力詎勝天摩挲歲月三太息追蠡幾  
閱興亡年

題浯溪碑用山谷韻

漫叟南奔居灑溪魯公大書次山碑兩賢同時復投契有若兄事  
親袁絲維時少帝開紫極薰腐寵用飛龍兒杜鵑哀鳴蜀山西營  
殿孤燈龍馭栖監國卽眞尙有理防微杜漸將奚爲雞鳴問寢但  
虛語貂插總戎多漏師兩京雖收患方始蛇豕不伏天戈揮阿瞞  
幾作兵死鬼那顧河朔山東危良娣笑敲乾樹木山人愁誦黃瓜  
詩鋪敘中興賴鉅筆蓬州書法道州詞雄文鏘劓事生色後有作  
者雖追隨坐觀崖石三太息老木蒼波無限悲

題陶履謙

畫像

靈竹圖

以下丁酉



冬生草堂有靈竹古色森捎削寒玉稟氣非關雨露滋和煙分得  
瀟湘綠主人昔日草堂居王謝風流迥不如天倫樂事金谷酒少  
長咸集蘭亭書自從才名動京國桃李芳園黯無色紅藥階前獨  
詠詩紫薇省內同濡墨都門見星歸去來湘雲還繞舊池臺已傷  
蓼莪又蒙楚杯捲衾枕彌增哀焚香淨埽匡牀地一院濃陰裊空  
翠禮文常讀周公經篆體閒摹秦相字簾外鶯花啼笑時挺生一  
夕茁靈支開母關碑支卽枝字  
或以爲芝字非是定知秀氣鍾詞翰合有嘉名錫考  
慈玉芳曉破珠霜凍古礎方花裂深縫嫩碧娟娟伏穉龍幽香細  
細招雛鳳主人營葬竹旱枯主人入室竹敷腴主人續娶竹連理  
一枝旁出成雙株咄哉此君何靈妙寫入畫圖光四照丹青宜倩  
與可筆瀟灑足供子猷嘯更有神芝鏤錦紋會須直上千青雲畱  
爲大廈棟梁用勿羨高風孤竹君

君巖自號  
孤竹君

琴臺

高山與流水千載幾知音濁世無夔曠荒臺自古今蛙徒能聒耳  
魚或解聽琴想像欽欽操名師不可尋

七國兵方擾獨絃誰與論馮琴答西帝哀郢失東門對泣春天未  
餘音土俗存故人心斷絕空念采芳蓀

白起燒郢後由  
楚入秦甚場

汪容甫放鍾期卽國策之  
中期馮琴對秦王者當是

漢上琴臺一水可通今開鐵政局作長隄隔之有感陵谷之變更  
作一詩

列艇常屯港長隄忽偃虹鐵圍山頓起銀漢水難通陵谷遷流後  
滄桑變幻中無論一隅地今昔詎能同

漢陽鐵政局

鑄盡九州鐵開通萬里天鑪中煮日月輪外走雲煙似覺乾坤隘

俄驚陵谷遷從來大一統拓境更無邊

漢上逢清明是日卽上巳作示嘉祐

流觴方禊日上冢又清明已切彭殤感其如邱墓情愁深江水淺  
春重柳煙輕示子同工部潸然老淚橫

寄廬落成主人用杜老堂成韻作詩二首見示依韻奉和

結庵佳處擬畱茅四顧何方是樂郊江水猶存斷蓬梗來時過鄱湖舟壞

春風又過海棠梢遊山舊約遲禽向避世深心愧許巢我似頻來  
新燕子賀君成廈漫相嘲

天開畫本關衡茅檻接嵐光似遠郊下榻和煙暖晴夢移花帶露  
潤紅梢壺公仙境還畱蹟邵子行窩別定巢明月高霞足長嘯北  
山南嶽可無嘲

寄廬主人用幹臣韻二首依韻和之

煙柳搖風晚抱樓主人卜築草堂幽何須傑閣連雲起且任虛舟  
與世浮綠水好憑湖映帶黃塵休問海橫流蕭然一榻耽禪悅夢  
裏應忘大九州

老大依人百不宜常思采菊隱東籬遠遊更覺乾坤隘疏計還將  
翰墨疑新綠濃時愁對酒牡丹開後懶題詩多君兄弟皆詞伯一  
和朱絃答子期

爲陳笠唐

昌曇

題東山草堂十二韻

以下戊戌

古香蘊千軸雲影青四圍禽聲隔林小人語入烟微讀罷掩關臥  
山樵猶未歸

東山雲岫

錫挂緣天庵筆湧青蓮花翠氣蜿蜒處窈曲如秋蛇名勝此具體  
壺中有九華

五華聳翠

陵鯉本若獸化身爲鄧林雷雨恐飛去畜以碧潭深生氣出萬葉

交交多好音

經林聽禽

寫物杜陵工山晚天半赤回光幻朱丹倒影亂金碧紫氣從東來

或逢青牛客

紫嵐夕照

高岡面草堂幽人采芝朮玉帶形彎環澄光若蒸栗黃神如嘯吟

下有昆侖室

黃崙環帶

桐山矗上峰彷彿珊瑚架大筆誰能扛鑄崖命煙駕搔首問青天

句攜驚人謝

桐山卓筆

金烏下何遲先生春睡足名山幽興多斗酒釀方熟栗畱啼一聲

驚破滿林綠

黃鸝春曉

野火燒不盡連山紅芙蓉燎原伏生趣韓運回春風陸渾多奇句

待和昌黎公

戴公野燒

麓山吾鄉秀嘉號稱玉屏茲峰並削立鳳邸張瓏玲恍若隔雲母

帝將朝萬靈

新林屏玉

鐘聲搖暮天不知何處發深山觸聞根寒夜警毛髮欲問初地禪

霜天指明月

團山霜鐘

好山將盡頭怪石乃秀出嵌空團古青剔蘚森玉骨待呼米顛來  
爲彼具袍笏

蓮峰石幘

淨洗箏笛耳比之無絃琴澹宕流水志希寥太古音何必滄海上  
始移成連心

西溪琴韻

和寄廬主人湖上雜興

面面軒窗總對湖徐亭煙柳碧模糊生綃一幅天然景可比西湖  
柳浪無

涼月彎彎白到亭舉杯先酌滿湖星狂歌夜半休輕發驚起高人  
孺子靈

繞砌幽花蛺蝶飛  
臨風自曬葛仙衣  
來時若過滕王閣  
畫入圖中是也非

一葉扁舟便往來  
故宜先辦小浮梅  
何時打槳迎涼去  
采罷蓮花載月回

孺子亭

赤火燄燄光不揚  
謳鼎竟敗鸞肩梁  
清河不立蠡吾立  
回天大勢歸貂璫  
徵君圖緯洞千古  
濯足東湖學老圃  
常思碧漢游冥鴻  
肯觸黃門櫻臥虎  
識君者誰太守陳  
薦賢心事昭星辰  
士感知己詎惜死不  
欲炮鳳傷麒麟  
一繩安能維大木  
林宗珍重人如玉  
乾坤不明磨鏡明  
照見中原但蒿目  
范滂囊頭訴皋陶  
張儉亡命連孔褒  
鉤黨俄沈北寺獄  
潔身豈若南州高  
金仙辭漢秋風客  
豫章猶有徵君宅  
亭前綠柳搖春煙  
上苑垂楊黯無色  
千秋牢落幾蒲輪

且持雞酒酌徵君當時賊避閭前地後世誰除埽上塵

寄廬夜歸贈主人

煙容水色半模糊畫出江天晚泊圖正好南州鄰孺子莫愁東海  
變麻姑涼雲撲地風生榻澹月窺窗影到湖清福幾人消受得坐  
談真覺一塵無

和易實甫順鼎出榆關韻

思伯人心感下泉和戎廷議棄窮邊但知夷犯輕秦犯誰識于前  
重欄前海外虬髯興有日遼東鶴化返何年三秋彈指匆匆甚再  
撫朱絃一泫然

僕射何人比父兄寰瀛無地望澄清當關老將种師道陷虜降臣  
李少卿武士紅旗愁督戰文儒白面奮談兵一般身手殊今昔回  
首成功似隔生



國破山河淚，濺花橫流滄海。哭牛車天公墨墨，封長距土伯駢駢。走野又買骨難求，燕上將顛衣恐到。魯東家佛狸飲馬，須臾事歎息誰量道濟沙。

奈此天門虎豹，何任漂齧骨逐鯨波。三韓舊地衣冠古，孤島遺民涕淚多。鐵室防身終有隙，珠槃歆血信無他。歸魂故國能安否，慷慨臨江節士歌。

歲題陳思王集

衣繡曾誅伉儷人，比於奉倩更傷神。如何洛水逢佳麗，偏有閒情賦感甄。

題趙子昂畫馬

白雁南來鐵騎馳，明湖空綰綠楊絲。不知乘興揮毫日，可記吳山立馬時。

往事何須說是非朝周玉馬素心違故宮春草萋萋綠惆悵王孫  
去不歸

送黃鹿泉同年膺北上

廿六年同譜如公有幾人道高忘毀譽才大惜風塵萍水聊鄉國  
滄桑孰主實酒悲休感事話舊總傷神

白首郎潛久纔知斗大州繡衣今刺史墨綬古諸侯宦轍期汾水  
行舟過石頭新詩憑寄興應和鳳皇遊

贈鄧幼彌國鼎

相見髯蒼然相知近卅年人歸嶺嶠外詩帶洞庭煙滄海無塵日  
寒江縱雲天採梅定臺好歲晚且畱連

江上聞歌

月中江上忽聞歌世無桓子野誰知喚奈何